

Juanita Ibaibarriaga

Juanita Ibaibarriaga Ermuan jaio zen 1934. urtean, Iturriaganeko etxean, eta berari eta bere senideei Pelaionekuak esaten zieten.

Ezkondurik eta lau seme-alaba izan zituen (bata txikitik hil zitzaion). Haiexek hazi eta heztera dedikatu zen buru belarri: inguruan baina beti loba aldra itzela, ze 'tia Juanita' berezia zen.

Autodidakta eta irakurle amorratua, bere inguruan gertatzen zenaz jantzita egotea gustatzen zitzaion pertsona irekia zen, irizpide zabalekoa, dena eta denekin errespetatzen ohitua.

Mendia zen bere aparteko beste zaletasuna. Egunero egiten zuen bere osteratxoia eta handik bueltan aldean beti ekartzen zuen zerbait, bere amari entzunda zion eta "Euskal Herriko mendiak oso aberatsak dira"; berbena-belarrak edo beherakoa kentzeko landareren bat edo tentsioa jaisteko asun txortaren bat... Ondo ezagutzen zituen denak, euren izen eta ezaugarri guztiekin.

Alaia eta berba gutxikoa, beti zeukan minaren puntan erantzun edo kontseilurik egokiena. Atsegina zen berarekin berba egitea, ze hemendik ez bazen, handik agertzen zuen bere bizitzaren jakituria, bere filosofia eta gauzak ikusteko modua. Gauzak datozen moduan lasai hartzekoa, "konponduko don neska!" zen bere esaldietako bat.

Beste aita eta amarekin askorekin batera Ermuko familia elkartean borrokatu zuen eta ikastola aurrera ateratzeko.

Bere seme-alaba etxerako lanak lagunduz, euskaraz irakurtzera eta idaztera zaletu zen eta haiek koxkortu zirenean, lan sozialak egiten hasi zen.

Behargin fin eta nekazina, herriko Euskal Birusa Kultur elkartearen sorrera konpartitu zuen beste pertsona batzuekin, gogor eta lan eginez bertako hizkuntza, ohiturak eta abestien berreskurapenean. Drogetenituri herri aldizkari hasierako zenbakietan kolaboratzaile moduan agertzen da.

Juanita 1992an hil zen, 58 urte zituela, adorerik handienaz, gaixotasun mingarri bati aurre egin ostean.

Etxeakoandre arrunt eta apala izan zen, Ermuko beste edozein andrazko modura, estimatua, bere ingurukoek maitatua, kultura eta besteentzako beharra egiteko zein bizirik mantendu behar zenari eusteko astia atera zuena



ANTOLATZAILEA



AYUNTAMIENTO DE ERMUA
ERMUKO UDALA



Euskara saila
Departamento de euskera

BABESLEAK



Bizkaiko Foru Aklundia
Diputación Foral de Bizkaia



EUSKO JAURLARITZA
GOBIERNO VASCO

XVIII.
Juanita Ibaibarriaga
LITERATUR ETA
ERREPORTAJE
LEHIAKETA //2011//



Gazte eta helduen artean euskaraz idazteko zaletasuna pizteko asmoz, Ermuko Udalak Juanita Ibaibarriaga' Sariaren XVIII. edizioa aurkezten du.

Parte hartzea

Adin araberako bi modalitate izango dira:

- Lehen modalitatea: Lehen Hezkuntzako 3, 4, 5 eta 6. mailetako ikasleei eta DBHko 1 eta 2. mailako ikasleei dagokie.
- Bigarren modalitatea: DBH-ko 3tik mailatik ikasle guztiei zein heldu guztiei dagokie.

Gaia

- Lehen modalitatean gaia librea da eta parte hartzaileek ipuin edo narrazio bat aurkeztuko dute.
- Bigarren modalitatean, berriz, parte hartzaileek erreportaje bat osatuko dute, barne har ditzaketelarik elkarrizketak, aipamenak, dokumentuak, edo interesgarritzat jotzen den edozein material.
 - Erreportajearen egilea, pertsona bakarra edo taldea izan daiteke, eta bakoitzak nahi adina erreportaje aurkez dezake.
 - Gaia: edozein garaitakoa eta edozein alorretakoa izan daiteke, gaur eguneko zein iraganeko gertaturikoa, baina beti ere, nahitaez, Ermua herria edota ermuarrekin zerikusia duena.
 - Erreportajea 2 argazki edota marrazkiz osaturik egon behar da.
 - Lanaren luzerak 4.600 eta 5.600 karaktere bitarteko izan behar du.

Aurkezteko era

Non: Lehen modalitateko partaideek Ermuko ikastetxeen bitartez aurkeztuko dute lana, Ermutik kanpo ikasten dutenek, berriz, ondoko helbideetan aurkez dezakete lana.

Ermuko Udala
Lobiano Kulturgunea
Goienkale 10
48260 Ermua

Ermuko Udala
Euskara Saila
Komentukoa 5
48260 Ermua

Korreo arrunta erabiltzen bada, gutunazal txiki batean egilearen datuak sartuko dira (izen-abizenak, helbidea, telefonoa, NAN zerbakia, parte hartzen den modalitatea, lanaren izenburua eta ezizena). Gutunazal txiki hori eta lana bera beste gutunazal handi barruan sartuko dira eta horrela bidaliko.

Emailaz bidaltzeko aukera ere badago ondoko helbidea erabiliz: euskara@udalermua.net. Bide hau erabiliz gero, mezu bat bidaliko da eta honen gain parte hartu nahi den modalitatea (lehen edo bigarrena) idatziko da. Erantsitako fitxategi bi bidaliko dira: batean lana eta ezizena eta beste artxibo batean egilearen datuak (izen-abizenak, helbidea, telefonoa, NAN zerbakia, parte hartzen den modalitatea, lanaren izenburua eta ezizena).

Aurkezteko epea

Lanak aurkezteko azken eguna 2011ko azaroaren 2a, asteazkena, izango da.

Epaimahaia

Epaimahaia eta bere erabakia: Euskara Sailak izendatuko du epaimahaia, honek bere erabakia ematen duenean epaimahaikideak nortzuk diren jakinaraziko duelarik.

Argitaratzeko eskubideak

Saritutako lan guztiak Ermuko Udalaren jabetzara pasako dira eta ohiko bitartekoen bidez zein Ermuko Drogeteniturri herri aldizkarian argitaratzeko eskubidea gordetzen du bere gain.

Jatorrizkoak itzultzea

Autoreei ez zaizkie lan orijinalak itzuliko epaimahaiaren erabakia ezagutarazi eta hamabost egunen buruan espreski hala eskatzen ez badute eta jasotzera ez badatoz. Jaso ezean lanak Udalaren esku geldituko dira.

Adostasuna

Partaideek oinarri hauetan batutakoak onartuko dituzte, gorabeherarik sortuz gero Ermuko Udalak hartuko du erabakia, epaimahaiaren txostena jaso eta gero.

Sariak

- Lehen modalitatea. Ikasturte bakoitzeko 40 euroko erosketa saria emango da, Ermuko Merkatarien Elkarteko dendetan kanjeatu ahalko dena.
- Bigarren modalitatea, 400 euro.

Sariak ematea

2011ko azaroaren 24an, osteguna, 18:00etan, Lobiano Kulturgunean.

Baloratzeko irizpideak

Saridunak aukeratzeko orduan gaiaren originaltasuna, erakargarritasuna, ulergarritasuna, edukien ekarpena, idazkera... kontuan hartuko da.

